

Titu

Tituhu ma, Paru te te ĩrob'ui'ééré

Ībaihâ wasu'uzé

Ā ĩbaihâ hã Paru hã aibâ ĩprédupté ma, ma tô rob'ui'ééré, Titu na ĩsisi ma. Ta hã Paruhu siwadi uptabi, duré 'Re ĩhâimana u'âsi mono ma romhuri na ĩpawapto'wa (Darasiza. 2.1-3). Titu hã zudezu ô di. Ta hã deredu na ĩwaptêrê. Tereta na rob'rê za'iti nhisi âma, ma tô Zezusihi zazei'wa norĩ hã 're hâimana za'ra. Tame ma tô Paru hã Titu hã tirê, 'Re ĩhâimana u'âsi mono ma romhuri hã te te 'manharĩ da. Ā ĩbaihâ na ma tô tãma rob'ui'ééré, Tereta âma hã te te 're da'ab'madâ'â wê mono da, duré 'Re ĩhâimana u'âsi mono nhib'a'uwê norĩ hã te te 're apisutu mono da, ĩsazei'wa norĩ 'madâ'â'wa da hã.

Paru hã wama zama, ma duré waihu'u za'ra, âne: Ni'wam norĩ hã si'uinhâ na tinhiptete na tiwasété wi hã 're wairébé waihu'u mono ô di. Tazahã 'Re ĩhâimana u'âsi mono hã wama ĩsôprub za'ra zém na si wanho'reptuzé hã Cristuhu dâ'ázém na si.

1 ¹ Wa hã Paru, 'Re ĩhâimana u'âsi mono ma romhuri'wa, duré Zezu Cristuhu zadawa wasu'u'wa 're ĩmorĩ, wa âma aima rob'ui'ééré. Zezu Cristu hã ma tô ĩpisutu, te te datême ĩzatôrĩ da, 'Re ĩhâimana u'âsi mono nhib'a'uwê norĩ u, te tãma 're apawapto mono da, Wanhib'apito umnhasi sina 're hâimana za'ra mono da, duré Wanhib'apito âma tô sena rowasu'u wê na te 're apawapto mono da, âma 're nomro wê mono da. Taha da, ma tô datême ĩzatô. ² 'Re ĩhâimana u'âsi mono hã sadawa nhipese ô di. Marĩ te te apoto mono ô ré, ma tô tizazei'wa norĩ âma sima roti siro, rowê ĩsi'utôrĩ'ô âma ĩ'rata 're hâimana u'âsi za'ra mono da. Taha zô si, wa wasina 're wanhimipari u'âsi za'ra. ³ Tawamhã bâdâ ma tô oto ĩwa waptârã, te te dama ĩwaihu'uzéb da hã, âhã wasu'u hã. Taha wa, ma tô we ĩma tisô, tinhimiroti hã, ĩsadawa para te dama 're sadawa wasu'u mono da, 'Re ĩhâimana u'âsi mono hã Wa'anho'reptui'wa hã.

⁴ Titu, taha wa, wa âma aima rob'ui'ééré. Te ĩ'aipawaptozbéz zarina, wasiré Wanhib'apito zazei'wa 're aimorĩ wa, ĩ'ra na wa asisi, asawi te.

Wamama ma, wa ai'âma 're ĩmreme u'âsi, 'Re ĩhâimana u'âsi mono ma, duré Wanhib'apito Cristu Zezusihi ma zama, ĩsimizawizé hã ai'âma 're hâimana u'âsi mono da, rowê u'âsi, âma 're aimorĩ da.

Cereta na rob'r e za'iti nhisi  ma, Titu te te 're  dapawapto mono z e wasu'u

5 Titu, Cereta na rob'r e za'iti nhisi  ma wa t  air , tame as mra da a . E mar  da. Romhuri h   uwaibaba dama hiri da. Dur   pr dum nor  h  're apisutu mono da, 'ri nho' mo mono b   sazei'wa nor  te te 're 'mad  a za'ra mono da. Tawamh  te aima  rotiz b zarina si, te za oto 're  apisutu mo. 6  ne wa t  aima roti, ta nor   ma. W  na 're  nomro mono nor  si te za 're  apisutu mo, da'mad  a'wa da. W  na 're nomro mono wa,  was d  h  da te  ma 're  sa'ra mono   nor  si, te za 're  apisutu mo. Timro uptabi si te te 're  mad  a za'ra mono nor  si, te za 're  apisutu mo, da'mad  a'wa da h .  ra nor  h  t  sena  sazei'wa 're  nomro mono nor  mama si, te za 're  apisutu mo.  ra nor  h  po're   wamh , dur  te te 're rowasutu za'ra mono wamh , te za  wasu'u na da te  ma 're rop . Tawamh  ta nor  mama h  're apisutu mono   di za, da'mad  a'wa da h .

7 Da'mad  a'wa nor  h  te za dama 're h imana w  za'ra, 're nomro was t  mono wa, da te dasiwi 're w '  t  za'ra mono da. 'Re  h imana u' si mono ma, te te 're da'mad  a za'ra mono wa, dama 're h imana w  za'ra mono di za.  ne te za 're nomro, da'mad  a'wa nor  h . Dama pire w  te, 'r wi sina 're wata za'ra mono   di za. Dur  h imana nhiti'ru na 're h imana za'ra mono   di za. Dur   z zei'wa na 're nomro mono   di za. Dur  sahi wa, te te 're dah  za'ra mono   di za. Dur  sadawa nhipse na te te dama 're rob'r mi za'ra mono   di za. 8 Te za dur  te te 're da'mazasi su'u za'ra. Dur  're nomro w  mono da si, te za te te sina 're rosa'rata za'ra. Dur  h imana pr dum na, te za 're h imana za'ra. Te za dur  dama 're h imana w  za'ra. 'Re  h imana u' si mono  ma si te za 're nomro w . Dur  tih iba na te za sina 're siptete za'ra, 're nomro w  mono da. 9 Wanhib'apito wasu'uw , te dama 're  wasu'u mono h  t  sena. Taha wa, te za da'mad  a'wa nor  h   wasu'uw  h  te te 're 'mad  a pese za'ra,  uwaibaba si te te dama  ma 're roti za'ra mono da, row  na si Wanhib'apito  ma 're danomro mono da, dur  're siwaihu'u za'ra mono da, tinhimiroti na te te 're  upa za'ra mono nor  h .

10  h na te aib  nor  h  ah  na 're h imana za'ra,  sazei'wa nher , Wanhib'apito nhimiroti na te te 're  wawapari za'ra mono   nor  h . Ta nor  nhimirowasu'u h  dama  uwaibaba   di. Tizadawa nhipse na te ta nor  h  te te dama 're rob'r mi za'ra.  ne te 're dah imana za'ra da'ah  na, zudezu na 're  dapoto za'ra mono h . 11 Taha wa, te za ta nor  wi 're  azawi mo, aimawi na  sazei'wa nor  ma te te 're rowasu'u za'ra mono t  da. E mar  wa. Ta nor  nhimirowasu'u zarina, ma t  ni'wam nor  h  're sipa za'ra, roti t  senai'  niw , damama sir  're  dah imana za'ra mono nor  h .

Aimawi rowasu'u'wa norĩ hã rob'uiprazé hã da te tãma 're sômri za'ra mono da, te te sima 're rosa'rata za'ra, rowahutu wa'rãmi. ¹² Cereta nhihudu hã tô sena na ma tô tisiré norĩ hãimanazém na rowasu'u. ãne te tinha, romhã ré dapo're pu'u'wa hã: “Cereta nhihudu norĩ hã sadawa nhipese na te 're nomro. Abaze zahi ne, te duré 're nomro, sahi u'âsi. Wa'a za'ra nherê, te tiša zô si 're sôpré.” ãne te dawasu'u, romhã ré dapo're pu'u'wa hã. ¹³ ĩsimirowasu'u hã tô sena. Taha wa, aimreme pire na te za ĩsazei'wa norĩ ma 're ĩ'aroti mo, Wanhib'apito nhimiroti si te te 're sazei pese za'ra mono da, rowê na ãma 're hãimana za'ra mono da. ¹⁴ Zudezu norĩ nhimirob'rãzarõtô 'rada hã tô senai ô wa, te te 're wapari za'ra mono ô di za, ĩsazei'wa norĩ hã. Duré Wanhib'apito ãma tô sena roti hã te te siwi 're ĩwê'ô za'ra mono norĩ nhimiroti hã te te 're wapari za'ra mono ô di za. ¹⁵ Danhimirosa'rata wê u'âsi 're danomro mono wamhã, uburé marĩ ĩwê na 'rãwi ãma 're dasiwasété za'ra mono ô di za. Tane nherê, danhimirosa'rata wasété u'âsi 're danomro mono wamhã, marĩ wê nherê, da te ãma 're rosa'rata wasété za'ra mono wamhã, te za 'rãwi ãma 're dasiwasété za'ra, ĩsazei'ô'wa norĩ hã. Tane nherê, dawasété na 'rãwi 're dasiwaihu'u za'ra mono ãna, te za 're dahãimana za'ra. ¹⁶ Ta norĩ hã te 're siwasu'u za'ra, 'Re ĩhãimana u'âsi mono te te ĩwaihu'u za'ra na. Tane nherê, 're nomro wasété mono wa, tô senai ô di, 're ĩsiwasu'u za'ra mono zé hã. Te te 're ĩda'ruiwapari za'ra mono zép si, te tãma 're hãimana za'ra. Duré po're'ô u'âsi te 're nomro. Marĩ ĩwê hã te te 're 'manharĩ waihu'u za'ra mono ô di, ta norĩ hã.

Rowasu'u uwaibaba na si rowasu'u

2 ¹ Titu, rowasu'u uwaibaba si te za ĩsazei'wa norĩ ma 're ĩrowahutu mo, ãma 're nomro wê mono da. ² Aibã ĩhi norĩ ma, te za 're ĩ'aroti mo, hãimana prédum na 're hãimana za'ra mono da, tiwasété wi sina 're siptete za'ra mono sina, 're hãimana za'ra mono da. Wanhib'apito nhimiroti si te za duré te te 're sazei pese za'ra, ta hã tô sena wa. Te za duré te te 're dazawi pese za'ra. Marĩ hã sada 're hãimana za'ra mono nherê, Wanhib'apito ãma si te za 're hãimana u'âsi za'ra. ³⁻⁴ Pi'ô ĩhi norĩ ma zama, te za duré 're ĩ'aroti mo, hãimana wê uptabi na 're hãimana za'ra mono da. Te te 're dawasu'u wasété za'ra mono ô di za, dama. Âzézei'wa 're hãimana za'ra mono ô di za. Roti wê na si te za ĩ'ra ré norĩ hã te te 're pawaptob za'ra, timro hã duré ti'ra norĩ zama te te 're sawi pese za'ra mono da. ⁵ Te za sina 're siptete za'ra, 're nomro wê mono da, ĩ'ra ré norĩ hã. 'Ri 're, romhuri wê 'wa te za 're hãimana za'ra. Duré timro mreme te za te te 're 'madâ'â pese za'ra. Tawamhã da te tãma 're nharĩ wasété za'ra mono ô di za, 'Re ĩhãimana u'âsi mono nhimiroti na oto 're nomro wê mono wa, ĩ'ra ré norĩ hã.

⁶ 'Ritéi'wa norĩ ma zama, te za duré 're ĩ'aroti pese mo, sina 're siptete za'ra mono sina, 're nomro wẽ mono da. ⁷ A hã aihâimana wẽ na, te za dama âma 're asanho mo, asirã zarina si 're danomro wẽ mono da. Dama 're rowahutu mono wamhã, aimreme tô sena na si, te za dama 're ĩrowahutu mo. ⁸ ĩwasu'u uwaibaba si, te za dama 're ĩrowahutu mo, da te aima 're nharĩ za'ra mono tã da, taré da te aima 're nharĩ za'ra mono wa, timreme niwĩ wawẽ'õ'wa norĩ hã 're siséb za'ra mono da.

⁹ ĩwada'uri zarina si, pawa'âbâ âna dama romhuri'wa norĩ ma zama, te za 're ĩ'aroti mo, tinhib'apito mreme hã te te 're wapari pese za'ra mono da, ĩsimiromhuri na te te 're wẽsãmri za'ra mono da, ĩsib'apito hã. Romhuri'wa norĩ hã timreme na te te tãma 're wa'rãmi za'ra mono õ di za, tinhib'apito ma hã. ¹⁰ Duré marĩ hã tinhib'apito wi te te 're simi'uri za'ra mono õ di za. Te za te te tãma 're romhuri wẽ za'ra, te te tiwi 're upa za'ra mono âna. Tawamhã 'Re ĩhâimana u'âsi mono nhimiroti zarina si 're nomro wẽ mono wa, te za Wa'anho'reptui'wa nhimiroti wẽ na 're dawata za'ra.

¹¹ 'Re ĩhâimana u'âsi mono hã ma tô dama siwaihu'u, tinhimizawi pese zém na, uburé te te 're ĩda'anho'reptui mono zéb da hã. ¹² Ta hã te te 're wa'azawi pese mono wa, ma tô wama waihu'u, wa te 're rême pese za'ra mono da, ĩsazei'õ'wa norĩ hâimanazé hã, dawẽ te, wawasété zô wa te 're rowasutu tã za'ra mono da, ti'ab ré wasina 're wanhiptete za'ra mono da, 'Re ĩhâimana u'âsi mono âma si 're wanomro wẽ mono da. ¹³ Âne wa za 're wanomro, Wa'anho'reptui'wa zô wanhimipari sina. Wa za rowẽ u'âsi 're wahâimana za'ra, wasina 're wanhimipari za'ra mono sina. Rowa'a za'ëté ré, apâ wei morĩ wapsi, wa za watõmo na 'madââ za'ra ni, danhipai u 're ĩhâimana mono hã, Wanhib'apito Zezu Cristu hã. ¹⁴ Ta hã ma tô wazada sisõ, wazada dâ'â da, 're ĩwanomro wasété mono hawi, te te 're wa'anho'reptui mono da, ĩsib'a'uwẽ si 're wahâimana za'ra mono da. E marĩ da. Sena na 're wanomro mono da oto, duré wawa'a âna ĩwẽ na wa te 're dapawaptob za'ra mono da.

¹⁵ ĩnhimiroti zarina si, te za 're ĩda'apawapto mo, Wanhib'apito âma 're danomro wẽ mono da. 'Re danomro wasété mono tã da, te za dawi 're ĩ'azawi pese mo. Wanhib'apito zadawa para te za aimreme pire na dama 're ĩ'aroti mo, asimiroti wapu wa, da te dasiwi 're aiwẽ'õ za'ra mono tã da, dama 're ĩ'aroti mono na hã.

Īsazei'wa norĩ hã 're ĩhâimana wẽ za'ra mono zé wasu'u

3 ¹ Titu, ĩsazei'wa norĩ hã te za 're ĩ'apo're pu'u u'âsi mo, dama ĩpire norĩ nhimiroti si te te 're wapari pese za'ra mono da, roti'wa norĩ nhimiroti zama. Simi'ẽ na te za ĩmreme hã te te tãma

ãma 're uwaimrami za'ra. **2** Duré te te 're dabâsi wasété za'ra mono õ di za. Te te duré 're dazada'âbâ za'ra mono õ di za. Simizawi pese na si, te za 're hâimana za'ra. Duré waimri na te za uburé dama 're hâimana za'ra, hâimana wẽ na. **3** Wa norĩ zama, Cereta nhihudu norĩ ne, wanhimiza'rese ãna, wa aré 're wanomro. Wapo're'õ u'âsi, wa aré 're wahâimana za'ra. Dazadawa nhipese na ma tô da te wama 're rob'râmi za'ra. Uburé marĩ hã sipu'u pese na, wa tô aré wa te wasima 're wẽ za'ra, ãwẽ newa, ãma wama 're robze za'ra mono da. Wa tô duré wa te dama 're rob'manharĩ wasété za'ra. Danhimaĩ na da'ruiwapari hã ma tô wama 're hâimana za'ra duré. Wawasédé wa te 're 'manharĩ za'ra mono 'ru te, ma tô da te 're wa'ruiwapari za'ra aré. Wa norĩ hã wa tô duré asa wa te 're da'ruiwapari za'ra aré. **4** Tane nherẽ, wawasété na 're wanomro mono nherẽ, tinhoprubzém na ma tô dama 're siwaihu'u, 'Re ãhâimana u'âsi mono hã Wanho'reptui'wa hã. Duré uburé te te 're ãda'azawi pese mono zém na zama, ma tô dama 're siwaihu'u. **5** 'Re ãwanomro wasété mono hawi, ma tô te te 're wa'anho'reptu. E 're wanomro wẽ mono wa, duré e wa te dama 're rob'manharĩ wẽ za'ra mono wa, ma tô te te 're wa'anho'reptu. Mare di. Wa'ãma 're ãpẽ'ézé mono zarina, ma tô te te 're wa'anho'reptu. Tipẽ'ézani te te wama 're ã'anhomri mono na, ma tô wapẽ'ẽ 're te te 're wa'apoto té. Wawasété hawi, ma tô wapẽ'ẽ 're, te te 're wa'upsõ, ãma 're wanomro wẽ mono da oto. **6** Sõpru uptabi wa, ma tô wei wama te te 're anhomri Tipẽ'ézani hã, Zezu Cristu te te 're ãwa'anho'reptui mono zéb zarina. Wẽ uptabi di, ãpẽ'ézani hã. **7** Wawasété na 're wanomro mono nherẽ, ma tô te te 're wa'azawi pese, 'Re ãhâimana u'âsi mono hã. Taha wa, ma tô te te 're wa'awêsãmri, wawasédé hã te te oto wa'ãma 're ã'ab'madââ mono õ zéb zarina, rowẽ ãsi'utõrĩ'õ ãma ã'rata 're wasi'ubumroi u'âsi mono da. Taha wa, wa za wasina sô 're wanhimipari u'âsi za'ra, ã'rata 're ãwasi'ubumroi u'âsi mono zéb zô hã. **8** Te aima ãrowasu'uzé hã tô sena.

Taha wa, te za ãsazei'wa norĩ ma 're ã'aroti mo, marĩ wẽ na te te 're dapawaptob u'âsi za'ra mono da. Te aima 're ãrowasu'u mono zé hã wẽ uptabi di, dama 're ãrowẽ za'ra mono zéb da hã. **9** Ni'wam norĩ hã zudezu norĩ hi'rata norĩ nhisi wasu'u na, te ãma 're sisada'âbâ za'ra. 'Re ãhâimana u'âsi mono nhimiroti, zudezu norĩ ma 're ãhâimana za'ra mono na zama, te duré 're sisada'âbâ za'ra. ãne wamhã, dama 're ãrowẽ za'ra mono zé hã, mare di. Taha wa, marĩ na 're ãdisisada'âbâ za'ra mono zé hã, 're wapari mono õ di za. **10** ãté ni'wa hã te za aimawi tinhimirowasu'u na te te 're ro'wa'rutu, ãsazei'wa norĩ wi. Taha zarina, ãsazei'wa norĩ hã sima ãma 're siwanhizari za'ra mono wamhã, te za tãma 're ã'aroti mo, ãne na te te dama 're rowasu'u tõ mono da. Taha parimhã te te aiwapari õ

wamhã, te za duré tãma ãma ãsahu. Taha na duré te te aiwapari õ wamhã, ma'ãpé, tiwi 're asi'madã'ã pese mono. Tawamhã ãsiré 're aihãimana mono õ di za oto. ¹¹ E marĩ wa. Tãma roti nherẽ, te te ã'aiwapari õ na, waihu'u wa. Roti sena hawi sipai wa, te za ãwasété na dasiwi waihu'u ni.

Paru hã, Tituhu ma te te ãrowaihu'u 'rãsutu zé

¹² Nimahã na, wa za aibã hã atême satõ, áté Atemasi hã, áté Titicu hã. Taha wa, ma'ãpé rosa'rata, we aimorĩ da, wasisõpêtê da, Nicopuri na 'ri nho'õmo nhisi ãma. Taha na wa tô ãsima rosa'rata, rowa'u'u wahã nomro ré, tame ãnhamra da. ¹³ Duré aibã norĩ hã pawaptob zahuré na, Zena norĩ hã Aporuhu me. Danhimirob'manharĩzém na dawasu'u'wa, te 're hãimana, Zena hã. Marĩ hã aima ãhãimana zarina, te za ãpawaptob zahuré, marĩ hã tãma hãimana zahuré õ wa, ãnebzéb da hã. ¹⁴ Wa tô ãsima wê, wasiré ãsazei'wa norĩ hã marĩ zô dawi 're ro'wanhi'riti za'ra mono wamhã, te te 're dapawaptob za'ra mono da, taré 're hãimana za'ra mono tõ da, dapawaptob ãna.

¹⁵ Uburé ãsiré 're ãsi'ubumroi mono norĩ hã ma tô timreme na ãma asawi za'ra. Wasiré ãsazei'wa norĩ hã wa wamreme na ãma sawi za'ra ni, wazawi'wa norĩ hã.

'Re ãhãimana u'ãsi mono wi, wa aima za'ra wa'aba, te tiwi 're rowaptêrê u'ãsi, aihĩni te te 're aipawaptob u'ãsi za'ra wa'aba mono da, rowê u'ãsi ãma 're anomro aba mono da.